

蔡忠惠公文集



宋端明殿學士蔡忠惠公文集卷二十八

清裔孫

仕舛詒霞甫
廷魁經五甫

校梓

啓

賀兩府正啓

伏以元者氣之始惟君體元而謹時正者天所微惟

臣奉微而嚮福恭以某官自天倬

一作精

粹與聖會亨

講明密勿之謀修潤大平之業變順陰陽之著以輔
乾坤道迎邦國之祥用安社稷神靈所祐景貺如歸
襄限守侯藩阻趨材館

賀王密學正

伏以歲更其次起王道之端律生於陽爲人事之紀

伏惟某官累德高

一作深

厚對時靖嘉坐宣方面之風

積著斯民之惠踐迎首序翕受繁禧旦暮詔音光華
柄用末繇慶謁徒切頌祈

賀發運提轉正啓

伏以人時謹法視太始以爲元王政更端奉三微而
建統伏惟某官周才應務遠識前民由按方維稔聞
於最目入趨宸宇欽奉於休恩踐履歲元膺受福嘏

慶頌之切敷敘奚殫

又

伏以律生有元氣復其本與時偕長惟道所存伏惟
某官業履清修才靈敏給居集按臨之効佇膺懋賞
之書羣陰旣消諸福如召良深祝頌安可究宣

回知通賀正啓

伏以損益相參消長云變斯見天陽之漸以爲君道
之元况德名之講聞固方穀之來助會馳介紹垂貺
賡修載窺巨麗之辭過執謙虛之意良深感戢安旣

愚思公集
卷之二十八
通鑑
諭云

賀昭文相公冬至啓

伏以斗柄建子叶萬寶之始萌緹筦生陽慶一爻之
來復恭惟某官代天理物輔世長民坐調元化之工
力助聖時之祐一作祐履茲令序密擁繁禧襄限守侯
藩阻趨鈴閣云云

賀集賢相公冬至啓

伏以推日于天起牛宿之一度驗氣以律生復卦之
七分恭惟某官同秉國平密調物理助成神化之妙

致協聖時之和踐茲令辰叢厥休祉襄限居藩守阻
造鈴齋云云

賀歐陽侍郎冬至啓

伏以斗直於子律旋於宮陰已剝而羣佞消陽始復
而君子長恭惟某官夙謨九德叅理萬機屬庶彙之
將萌慶大賢之受祉履時長至與國同休襄限守候
藩阻趨材館云云

賀叅政趙侍郎冬至啓

伏以日至極南晝移伊短迺天陽來復之始寔君子

履長之初恭惟某官職佐萬機位叅四輔助權造物
之柄協贊代天之工適丁慶辰茂膺殊祉襄限分侯
屏阻詣鈴齋云云

賀樞密侍郎冬至啓

伏以日躔牛斗氣正虛危仰觀運之迭移俯迎時之
長至恭惟某官腹心社稷柱石廟朝雍容宥密之司
提振樞機之務惟時格祐與國迓衡襄適領侯符遙
瞻鈴閣

賀胡副樞冬至啓

伏以義經復象一陽來于位之初太元首辭萬物奮
黃宮之下恭惟某官華國重器覺民真儒職叅樞極
之聯力奮經綸之効踐迎長日倍擁繁禧襄假守海
隅阻對台席云云

賀呂副樞冬至啓

伏以一陽來復慶君子之道亨萬物潛萌協天元之
序正恭惟某官本朝耆德當世鉅賢發相門之長才
贊樞府之要務順迎令序坐擁純禧襄屬守侯封阻
趨賓閣云云

黃陳副樞冬至啓

伏以乾文仰察日居大昴之躔律筦下旋候應黃鍾
之氣恭惟某官才隆時棟忠結王心贊樞近之繁機
舒弼諧之素蘊適丁長至翕受寵禧襄限剖侯符阻
遙台席

回翰林學士攀違啓

近由分虎之行嘗展登龍之別東門縱綽方悵隔於
清班西掖演綸遽寵貽於珍翰重彤離化益勤黯消
感戀所深敷揚曷旣

回吉州李殿丞啓

地處海壖路賒江表徒飫聽於善政曾曠問一作佇一作日

於飛郵何雅故之弗忘遽函封而垂錫繹披縟旨恍
接名談仍聞坐鎮之餘洽播袴襦之詠抗懷獨運嚮
福均濡庚伏尚留讌期尤阻逖惟舊好紛集縈懷

回張學士啓

言念契濶風期差池歲序適臨便郡俯接提封才安
所治之居遽得及時之間眷存良厚感服自深伏以
某官業履弼中才紹經遠外專利柄方司臺部之權

上簡帝心行踐禁林之選願持主術庸副睿詞

回謝提刑啓

肅奉帝俞獲司藩政會卽封之伊始於上記以未遑
敢惟講好之勤首辱貽書之貺詞與意厚感將愧拜
恭惟某官席美朝紳主平邦憲自奉光華之使益宣
欽恤之刑行奏異一作殊能別都顯仕一作任未前被覲
徒切瞻祈

回潤州章郎中啓

審奉朝綸榮紆郡紱領一都之會風望匪輕控大江

之衝事權尤重疆場密接翰牘先詒蒙潤居多輔車
有賴伏以某官性資兼敏材識淹通盤錯著能荐委
于蕃之寄都俞卽協別疏不次之恩會見末由係瞻
徒切

回蔡運判啓

近荷優除忝臨要地雲霄在望孤奉於明綸翰牘流
微遠詒於慶問恭惟貳漕臺之優寄分部刺之劇權
百城望風萬里迎刃猗寵函之訊名卽禁省以陞榮
系詠感銘衿膺叅萃

回賀新提刑元郎中啓

伏審就奉詔書移按獄事伏惟歡慶恭以某官懿文
景行亮節冲規早膺郎選之華出布藩條之重休聲
既著至簡於宸心中異有常遂專於使旨方依臺部
式朴惻悰先枉箋修倍深感系

與曹司封啓

自遠規猷動更晦朔仰思確論鎮極勞懷屬春令之
方中納天倪而見順恭以某官忘幾沈畧樂道養恬
柳捐冠冕之榮深得煙霞之趣內量汎務企服高風

披會之末期但凝瞻而增劇

回茂才投贊啓

數日前伏蒙猥示長牋兼詒盛制文意高古橫述作
之宏規辭旨冲謙隆進趨之妙矩再量膺□詎測淵
涯唯阻觀於英儀但永銘於珍蘊其爲感荷罔悉名
言

回兩浙運使學士啓

近膺寵詔出布寬條夙戒舟虞已亂長江之阻前瞻
臺部方依大府之嚴敢謂惇明未忘契分先垂尺牘

之貺遠置行郵之來窺繹藻辭倍增銘鏤卽接承於
高論罔究述於鄙悰

回睦州李虞部啓

審涓剛辰榮諧美任古治中之職郡之紀綱半刺史
之權事皆關決矧郎官之充選方士望之推高行遲
政成別膺登課猥承隆眷特貺珍題感篆欣詹敷染
奚盡

回發運張學士啓

瞻轉漕之崇遠依屬部通信問之缺已期順風遽辱

賤修之來特存禮好之厚茲用感服豈勝究宣切惟
行方而純文鉅且粹入奉禁籙不違清光對閱書筠
率判款緒別膺寵數更踐榮階

回越州教授吳祕校啓

一水相望長賤遠貺鳴玉鏘金而盡在布錦列綺以
何多載窺鉅麗之辭徒切置藏之厚矧惟學術該洽
素有淵源行實清修頗知趣向所克全於禮制將別
漸於亨塗餘在詹凝安可云諭

回新知越州章學士啓

審被俞音出司藩政眷是會稽之重號爲百粵之雄
擊柝交聞方喜疆場之接飛郵遽及俄承竿牘之貽
翹俟仙舟併親餘論感銘牀系參卒悃悃

回提舉慈孝寺李左藏啓

近荷優除忝司善郡奉親輿而至部方幸便安布寬
詔以臨民敢辜付委猥承雅眷遠一作速枉珍勝矧密

侍於天光久著稱於材武願言加嗇庸副翹詹

回高崇班啓

自遠堯庭遽臨吳會屬事爲之倥傯憑郵置以濶稀